

2. SCORZONERA *fistulosa*.

S. Caule adscendenti, articulato, fistuloso: foliis fistulosis, ad apicem subulatis: calycis foliolis subcarinatis.

Hab. in humidis et graminosis inter *Figueira* et *Mira*, in Beira. Flor. Jul. et Aug. Peren.

Ex Cz. C. Hoffmansegg.

Planta glabra. Radix fibrosa et repens. Caulis adscendens, teres, articulatus, fistulosus, ramosus. Folia fistulosa, cylindracea, stricta, ad apicem subulata. Pedunculi recti, longi, apice subvillosi. Perianthium mediocre, foliolis carinatis, carina scabriuscula, subvillosa. Corolla stramineo-lutea.

3. SCORZONERA *humilis*.

S. Caule simplicissimo, subnudo, unifloro: foliis lanceolatis, nervosis, planis.

Hab. in subumbrosis, et humidiusculis circa *Torres Vedras*, et *Conimbricam* alibique in *Extremadura* et *Beira australi*. Flor. vere. Peren.

Varietas Sc.-humilis Linn.; differt ab illa habitu minori; folia enim anguste lanceolata¹, seu lineari-lanceolata; caulis simplicissimus aut interdum simplex, uno alterove ramo, biflorus, semipedalis aut paulo altior, uno alterove folio exiguo, nec amplexicauli, instructus.